

悅
親
樓
詩
集

悅親樓詩集卷十一

辛丑

海寧祝德麟止堂

古今體詩五十九首

移居畱硯齋二首

一室白生虛巡檐拂拭初主人終是客家具少於書松
菊陶潛徑蝸蚊庾信居苟安隨處足聊亦愛吾廬

紅塵飛爛漫白日去蹉跎人世盡如此吾生勞若何安
心無熱宦對酒有高歌門限仍施鐵終防俗客過

新自鐵門

移來故
戲及此

題陳吟香克恕印譜二首

倉籀斯程體代遷范秦模漢太紛然憐君用意多堅苦

一葉三年直幾錢

未得丹墀大筆濡
鏤神鏤象劖蒼腴
平生懷抱欽崎甚
便事雕蟲亦壯夫

三月十六日同人出西直門自高粱橋步至萬壽寺遊眺

旅客動春愁
東風吹草綠
那能駘蕩辰
裏繭自蹉跎
討春呼勝侶
出郭命我僕
寶刹傍華林
往來幽興熟
南人官北地
如魚集之陸
得水已足佳
明漪況可掬
鏡奩瑩瘦銅
織室落纖縠
潏澗西城西
破碎玉泉玉
常年奉輦路
夾岸羅珍木
彤雲翼朱樓
靈籟牽翠箔
豎峰出玲瓏
橫杓安斷續
行行惑故術
物物逞新貌
沿隄遵沼沚

竝阜僦坡麓有時形影嬉憑檻照空渌有時腰腳倦藉
草坐芳縟似隨雲將遊不畏邏卒督景延賞未已趣轉
興猶蓄舉首見山門翻疑來徑促牖雷走潺潺林颺飛
謾謾或雷霆砰訇或車馬輾輾或伯牙鼓琴或漸離擊
筑喧中寂意桴動極靜理足入門不禮佛徑訪樅栝族
儼如七大夫紳佩具朝服見者不敢指威儀何閑肅又
如竹林賢科跣在巖壑望者不敢攀風神自緬邈濤聲
卷碧霄蓋影漏紅旭地尊上界偏福妬老僧獨上人蓮筏
亦好事待客摯而樸釅茶澆我腸白粲果我腹手持一
卷詩分得松風穆已酌參寥泉復坐齊己屋迴車歷邏
迤得境妙纏屬衣裳減午暄風景增暮淑活翠盡子忍切

淨心紛紅剽娛目好補修禊帖載考春明錄中途忽枝
欂寺榜標正覺五塔一階基千佛一函匱賈勇奮欲登
濟勝力難勗畱題紀姓名二葉

紹檉紹棻蘇燦明吳錫
二孝廉府麒麟

編修祝回首夕陽明西山銜一角

雨後同人至法源崇效諸寺看花海棠少爲風
雨所敗

蜂狂蝶舞人影織朝動雕鞍暮金勒柳絲和雨搭闌干
閣住輕寒消不得城西諸院催芬芳梨花滿階桃葉長
獨有海棠自嫵媚三株五株爭新妝夜夢祥雲飛綵纈
飄揚頃刻隨風滅遊驄爲雨一日遲昨日臙脂今日雪
銀缸鳳蠟啼嬌紅十八宮娃褪守宮丁香亂發碎瓊蕊

珍珠步障圍玲瓏繞花艷花將花曠日光無主花魂炫
巫雲楚雨不易畱青鳥銜歸春一線

題王蘭洲孝廉見山樓圖二首

抱膝方吟句支頤忽見山移居新栗里宗老舊柴關舊

祝氏夜識金銀氣潤州有金銀二山朝尋猿鶴顏知君湖海客

百尺臥難攀

蓮巢曾爲我手寫振衣圖對此蒼茫景彌懷高隱徒烟
嵐侵郭窄江月向人孤昨歲扁舟住登臨惜未俱

寄懷夢樓卽次題接葉亭卷子韻五首

寂寞揚雄宅風吹柳絮顛寒官滯京輦良友隔江天蕭
散青冥鶴游行白石仙塵蹤獨白笑離別又經年

丁香舊時館追憶感何如忝我成名日方君出守初彩雲容易散瘁葉自然疎豈料金焦畔相逢半榻於

哀樂中年判情懷減昔雄衣冠頻變白涕淚總成紅世

事炎涼裏浮名夢幻中瀧岡阡石在椽筆表吾翁

先塋誌表

皆夢樓手書勒石

臯蘭行役返念我寄唐碑旅食西湖地蒹葭秋水滑

夢樓

修杭州府志余跼伏墓廬在郡一年僅得再見長齋學蘇晉晚節號天隨卻恠

全真者霜華入鬢髭

尙平無一事兒女畢昏姻翰墨輕餘子交遊閱再辛

余識

夢樓於辛巳歲閏今辛丑二十年矣書憑歸鴈杳跡數磨牛陳願寄愁心

去長流揚子津

增壽寺柰花

笑日吟風倚絳紗半籠殘雪半籠霞
海棠癡小嬌休妒玉蘂姿麤種浪誇殊色欲尋西子面閑情偏寄梵王家
若爲寫得來禽帖記取城南兩樹花

長椿寺訪九蓮菩薩像不得觀

一日徧尋諸寺院一身忙過千鶯燕
琳宮紺宇遺跡多人傳李后慈雲面道人出門大呌關
我來訪古無由見巡簷怖鴿撲撲飛壞佛凝塵坐深殿

贈李桂郎

秋帆舊青衣也

榮戟笙歌笑語香豪華爭說郭汾陽
柳花如雪長安道腸斷尊前遇李郎

送春日集朱竹君前輩齋頭賞白牡丹卽席限
七言古體禁素白皓潔玉雪字

海棠已謝丁香結壓架紫藤鋪綺繡花開花落愁殺人
今朝人與春光別別春送春春可憐惜春無計畱春難
賴有斜街朱學士報道前庭開牡丹京師此花種最奇
唐花而外稀春姿法源寺裏三兩朶傾國不辭遊翫疲
未若君家顏色好錦幃高卷朱闌繞一叢深色一叢淺
淺者方深更窈窕泣露啼風只自羞含情惹恨何人曉
世人尙華不尙實新妝袷服爭塗抹此花性獨厭繁華
甘守本來遺世質雖然不與俗目宜自有姍姍美風骨
碧天嬌月流太空映照如在虛無中相如新婦未成聘

姑射仙人爭便逢金卮滿酌苦相醕醉倒弗作酩酊紅
吾家花時甲近縣錦天繡地交加炫尺三花面一丈枝
詩老畱題世所羨尺三花面大于盤一丈枝梢半出闌
此查初白老人題寒家葆光居牡丹
也而今浪跡輟塵裏縱有朝雲無處見猶向高堂覓異
芳清華品地原孤擅莫漫尊前歎逝波對花飲酒非蹉
跎送春若箇不腸斷就中斷腸我更多

贈內子時眷口初到

那能拋撇在家鄉昔日單車偶未將千里遠投貧薄宦
一年小別訴衷腸江河程穩身差健粉黛包開面復光
我教雙雛君教女詩書鍼線列行行

集魚門三長物齋看瓶中芍藥舉消夏會

殿春嘉種及時榮品色居然占上京
拗向豐臺論把賣

邇來菜市列瓶盛遊觀不必田千畝
豐臺時花成田供養惟資

水一泓玉瓣初分香漸透細苞全坼
葉猶擎髓凝皜潔

應輸獼血染朱殷欲奪猩綽約仙人
姿絕世十三嬌女

笑傾城濃芬郁淑停爐篆薄醉欹斜
傍酒鎗紅袖交翻

原有伴白鬢相映亦多情
謂魚門吾曹入宴心俱淡盡日

尋芳眼倍明唐代禪房海棠過朱家
吟舫牡丹更竹君名其

居曰椒花吟舫時時浮雅探鉤得處處
題箋擊鉢成會是開頭

剛次二花雖婪尾卻長羸藏書地廣
羅圖史消夏廚清

鬪筍櫻塵外身惟祈健飯座中手孰
試調羹一番雨後

容加潤幾盞燈前態橫生莫怪低徊
延賞切昨宵啼斷

子規聲

澹遠堂芍藥屏風歌贈查恬叔舍人

世倅

暄風入麥靈雨零殷春花發豐臺圳襟原帶隰連畦町
街頭賣花聲可聽舍人巧意出未經割取花田入畫屏
十二迤邐張歲星紫檀作體金塗釘夢光表裏糊瓏玲
厥後藏以千嬰瓴一朶一勺泉泓渟百千亂插惟所令
拗折弗露跌痕青高低深淺滿戶庭溫磨鬱鬱委婷婷
花牆花壁花窗櫺有花無屋兼無瓶寢處幾與花忘形
自嫌孤賞猶伶仃召客霍霍雞羊刑金尊漉灩滄沽醺
蘭燈璀璨樺燭熒照出花魂下窈冥玉皇絳闕朝羣靈
雲裾霞帔翔鸞駢山雞隊隊舞莫停鳳皇孔雀揚修翎

三里五里仙霧暝一陣兩陣篤耨馨花香酒氣交忪惺
令人未醉迷難醒主人清暇樂且寧帶圍不羨維揚廳
有客仗節踰絕陘將離尙記長短亭願君馳書報鵲鴿
傲以高會除優伶令兄映山好聲伎時方視學粵西吾曹聚散秋池萍
駒塵蟒暑無百齡那能巢曉如蟪蛄花嬌酒釀茶清冷
無事長來叩竹扁作歌讚歎君其聆

竹醉日同魚門賦

我醉竹能扶竹醉我能援同此酩酊歡臭味結深眷嗟
爾宗生族託跡江南甸或棲隱士家或傍孤僧院五月
旬又三元然共迷眩遂遭有力徒去樸而就絢掩映赤
玉闌披拂翠羽幔豪家土不香露井水難嚙莫歎植根

疎致隨鑿錘轉豈無山澤臞風雨堪爲伴澆爾酒千鍾
對我冰一片竹亦笑听然梢頭風意先

讀白詩偶有所觸因韻成篇

玉環工狐媚天子困蒙塵詩家本忠愛各各歌咏餘特
著色荒戒以明喪亂原不拘春秋例隱諱爲尊親白傳
長恨歌實開傳奇門一笑百媚生七字無窮春侍兒扶
出浴形容更溫存旣非楊白花飄蕩感紅巾又非長髮
尼穢跡彰金輪后妃妖冶態臣下豈宜云原其立言體
濫觴三百篇衛風碩人章所頌君夫人脂膚螭螭領細
膩如手捫倩盼光合離阿堵能傳神一幅佳麗圖千載
猶銷魂小君處宮闈出則乘翟輅誰曾親見來寫此嬋

娟真文章妙絕世禮教恐未安倘令觸忌諱謂是媒狎
言律以大不敬夫何辭罪愆文人興會到好騁詞藻妍
六經不敢議聖人偶未暇

燕

野店江村少是非芹泥春暖試烏衣可憐楚楚好毛羽
但向雕梁高處飛

盤香

好向蓮臺證古歡名香製就巧團圓螢光只自畱孤照
蟻磨翻嫌繞百盤大抵太剛容易折從來團轉始能安
相思莫把迴文寄一寸灰心漸欲闌

題同年徐袖東

觀海

畫蘭竹二首

瀟湘九畹凝芳思筆墨雖靈難位置近來秀水錢侍郎
薄石畫蘭頗得幽蘭意西湖才子王喬侶日飲湖光吸
山翠胸中磊磊邱壑情腕底娟娟風露氣不須采擷作
初佩時取國香供墨戲空山無人夜月明令我悠然想
高致

碧鮮萬箇環蘿舍此景鄉園別猶乍徐侯落筆迴陵霄
紙上風聲聽未罷蕭協律畫從意生文夫子身與竹化
世人亦解寫蒼筤梢是秋蘆節甘蔗枝枝葉葉腕底活
對此蕭然忘九夏偶添苔點貼奇石古色爛斑吁可詫
和張鄂樓上舍形閨端陽之作庚齊二章卽用

其韻

細向葵心測所傾
九霄義馭正南行
尊中蒲酒依然綠
江上菱花分外明
豈必田文方續命
但逢正則總關情
千秋萬古論生死
重爲茲辰感不平

太史書雲一候剛

五月晦夏至

延洪錫羨氣彌昌
羅衣猶自

矜新寵艾綬何勞
祓不祥圖次五兼
疇次五歲重光恰
日重光

古稀天子中天盛
節向天中特地長

猶記年綱在攝提
明持使節蜀江西

先十二年歲庚寅亦閏五月余方使

蜀在途

短牀落月聽鳴鴉
匹馬炎風到寶雞
星紀一周時

物改山川終古夢
魂迷而今老大逢
新序不是黃楊首

亦低

竹素堂消夏第六集贈耳山光祿兼示席上諸

子

京師軒蓋場翰苑風騷窟結交得前輩數典盡華閥賤
子特疎放生理甘汨沒情宜冷客投性恥達官謁復憐
佳日稀所畏險途驟夏潦轍淖深春霾車塵埽舉足重
華嵩搖頭謝輓輒以茲同心歡亦苦見面闕賢如朱夫
子竹君嬾散庶無輓密如沈休文南雷邂逅輒被詰自從高
會聯相戒去聲匪旬越和音比去聲鸞皇得食負蛩壓魚魚集
此遽鹿鹿來如突雅量與淋漓塵譚理勃率子非求彈
冠我其爲結韞仙真飲中仙會者八人罰無金谷罰今乃第
六巡時維閏五月冀砌八葉披蒲尊兩度揭主人學而

優祖德綿未竭石屏尚藏諸宮扇並貽厥竹素揚古馨

槐雨緬嘉樾

君遠祖文裕公有雲錦石屏及明世宗所賜宮扇今尚世守珍弄日下舊聞載公邸

寓有槐雨樓

官貴仍槩鉛家貧要節鉞是夕潔庭宇初筵旅

肴核大官膳自精法麴醞能凸房櫳既窈窕襟帶半田

塋

子君所居球巢街濱下窪子延望頗有邨野意

清颺及草木涼意到睂髮葡

萄張

去聲

蟠拏芭蕉扇賦暘上弦蟾魄炯下澤鼃聲聒延

爽致足佳懸河口難闕史魚

文量

秉直挺騶衍

西麓

談天咄

音操一國風波決千金竭髯蘇

魚門

鬢飄蕭蒙莊視恍惚

涵虛目近視

側聽意獨沈僂言笑每發老朱最堅忍大白猶

渺忽目已忘主賓氣欲偃溟渤推排不肯去跌宕頗自

伐未覺舞僊僊終成醉兀兀人生論身世到處遇蠱蠹

海市幻樓臺戲場具袍笏何如首濡酒猶勝足遭別無
猜耐熟朋善戰麀勁卒醒固欣然喜醉卽頽乎歿良會
未一周眾芳看盡歇所當續綿延毋致歎倉猝秋禊持
蟹螯消寒煨楫柁但得杯沾脣那辭窮徹骨

鐵畫燈歌

屈刀引鏡神仙技蕪湖鐵工能辨此折枝花鳥沒骨山
意之所到隨游戲蠟疑水墨李營邱細似金碧趙千里
嵌空四面出玲瓏襯以文綾兼素紙高燒翠蠟徹紅粟
黑暗朱明相表裏鐵之爲物本無情光燄一穿皆旖旎
雨葉風枝活寫生層巒疊嶂紛凝紫是何匠巧太狡獪
結撰得非鬼所使乃知小道有足觀鄙淺亦通微妙理

當其得手錘鑿時造化在心柔繞指目中無鐵胸有竹
鐵與我化忘所以漢宮金缸不足數碧山銀槎差堪擬
人心尙巧稀古風然向華筵亦不同獨憐鐵具堅貞性
何故難逃鍛鍊中

大雨集竹君椒花吟舫舉消夏第七會

嘉會不待招那復畏泥滓黑雲壓車蓋入戶雨未止珍
木紛可悅前後列蔭美雨來一陵侵眾籟浩盈耳翻疑
林木外別有萬蒼紫亦如葦岸邊孤艇渺雲水令我江
湖心飄然席閒起吾曹勿過樂榮枯異尺咫不見孤寒
儒霑溼到牀第

六月十二日集南雷食硯齋舉消夏第八會起

四月十一日朱竹君前輩齋頭賞花送春爲迎
夏之始凡三月而會遍余與魚門會必有詩是
集嬾未有作不半月而竹君告殂佳會甫終哲
人長謝低徊根觸傷感何如爰補作五絕句以
誌月日兼以哭竹君也

雅集循環此一終安心五日待秋風

十八日立秋

誰知秋到

悲先到卽在詩情醞釀中

逝水流光去不回梅炎荷雨疊相催一旬一會無端甚
似爲斯人餞別來

洪河砥柱指南車前輩風流韻未賒同是草元亭上客

傷心不獨老侯芭

謂魚門諸子

芻狗文章蕉鹿身二三老友獨相親從今未必無高會
便少談經說士人

猶記花時繞畫欄椒花吟舫酒杯寬明年亦有花時節
寂寞春風上牡丹

題同年戴蕞塘侍御晴川曉渡圖

并引

歲在甲午蕞塘以水部郎官佐編修劉純齋典試
廣西既渡漢王蓬心司馬卽景作圖以贈時聞余
承乏楚北遂以圖畱屬蓬心曰芷塘且來放榜後
請其倡詠俾少林諸子繼聲他日攜歸京師爲使
程嘉話蓬心少林皆余同年也相視而笑莫逆於
心及二君試竣返楚始知余先以憂去純齋因緘

書寄示始末且附詩云滿期才子吟楊柳何意門
人廢蓼莪哀感悱惻不能卒讀此事聞今已八年
菴塘出圖索題披覽之餘百感交集時辛丑七月
七日也

漢陽渡口波如玉近草遙林弄朝旭天下江山此最奇
秋來風景彌增淑翰林水部西粵遊平生俱抱清才道
文章得志歐梅座山水生光李郭舟陵晨問渡風帆利
霽樹烟嵐相嫵媚一翦波心畫鼓催雙旌沙嘴眠鷗避
此時憑眺共徘徊問訊知余擁傳來岸芷汀蘋勞采擷
蜀龍吳虎任評猜柳絲牽綰征塵惹卻遇荊州醉司馬
收拾清空冶性靈贈行一幅生綃寫君言畱待後來題

桂子秋風兩處齊定喜追蹤酬唱盛勿嫌開卷姓名低
誰知世事多翻覆蓼蓼皇皇偏竝讀崔顥多情枉費才
禍衡無命難徼福雪夜苦廬病骨支開緘忽枉故人辭
心傷曾子三年問腸斷劉郎七字詩勝地良緣如夢隔
低徊那復尋陳跡覽圖今始識龜山卻怕從頭話疇昔
黃鶴仙人不可畱一歸閭闔幾經秋只餘玉笛聲猶昨
漢水滔滔日夜流

失硯

圖書悅性情草木深寄託蕭齋無長物位置澹遭泊端
溪一片石澤膩紫蒲蒨隨我十數年策勲亮不忤吟詩
供濡染修史助筆削青瑣家舊物未忍暫拋卻豈期中

道斲竟被偷兒攫陵晨汲井華有墨無處著豪家富錢
刀財與命束縛衣裳爛篋笥珠玉列筦籥胡不闐然入
屠門恣大嚼瓜分已足肥席卷亦非虐而乃求腐儒汝
計誠大錯深慙主人貧未得充汝橐細思有硯來施福
報匪薄竊名憑文章竊祿藉著作若以盜道論儒術真
跼蹐流轉或得地猶勝烈燄灼惟是聚散感輾轉滋勿
樂譬如良友朋寢食同猶昨未嘗告別期一夕分張各
此情硯不知獨立向寥廓

通惠河紀遊五首

尋山不知疲尋水不知遠邈哉通惠河傍郭何蜿蜒貫
珠外層遞曳練內束樾樹色弄漣漪濤聲歎防

去聲堰渡

頭喚烏榜一闌一遲偃水容連野寬山骨帶秋健昔年
費開鑿本以利漕輓卻使濯纓人沿流便忘返

漢陂樂未極剡溪興更悠故人官通潞

雨邨觀察

畫戟森高

秋衙齋似禪房花竹深且幽開軒坐一榻已足減客愁

酒食匪云惠肝膽誰與儔憐我眼界窄攜我上高樓

光

樓爲通州最高處

樹薺山玉簪豁達勝槩收潞水滔滔下因之

思故邱

懷歸願徒違薄遊亦云美情深重小別送客若千里扁
舟載芳酒欲向葦間蟻暮色蒼然來夕陽不可止蹇驢
挽絳綵乘船而車似蒹葭相與引鷗鷺近人喜外吏意
氣驕似君能有幾何處桃花潭八里橋邊水

橋邊水潺潺林外星耿耿徘徊慶豐閭參差覓燈影
龍吏不我詆倒屣孤寂境況聞鄉語輒如夢適初醒開吏曹瑗

海鹽人爲具雞黍

邨醪雖云薄開懷共酩酊相邀秉燭遊荒荒

夜氣冷星光不帶水天色浩與永微聞柳岸邊網戶納

答著

滄洲思吾道茅屋歇眾簾急溜無停喧餘猛不在外恍
疑樓閣中到枕灘聲大鳴雞喚客夢未曉先束帶揚舠
僚歸途一葉破烟靄晴暹射雉角微霜糝篷背放然兩
日間且暮景畢會欲併王子猷謂春甫侍讀添入舊時畫壬辰
癸巳之閒曾作秋汎圖紀遊

秋郊攜酒遣興歸途偕葉甥

紹榷

至永樂松柏

諸菴訪菊

行廚雖罷興猶酣，卻趁歸雅促返驂。
入郭小車沿荻港，訪花殘屐遍茅菴。
欲晴山翠微微見，未脫林陰歷歷參。
佳節只應親串共，本無兄弟在江南。

時爲九月六日

寄懷簡齋前輩二首

蓋世才名大遊仙，福量深文章不朽事。
松柏後彫心酌，兕祈難老將雛得。
好音平生行樂處，古少莫論今。

孤蹤潛丙舍，公亦返鄉閭。
一見笑談劇，廿年傾倒餘。
定

文丁敬禮賦海木，元虛何日秦淮曲。
相逢重起予，已亥春選

近杭州會以近稿相質公亦辱贈小倉山房外集

四十初度四首

歲月爭如注急坡飛騰暮景奈愁何無多願力紛紛迂
最好年光草草過射虎南山空骯髒騎鯨東海又蹉跎
只餘樗散閑身在尙被蘇公笑墨磨

紳裾廿載點朝班簪筆空慙掌故嫻那有詞章光翰苑
也期鉛槧託名山蠹魚字或經三食澤豹文難露一斑
檢點宦囊何所剩積年史橐手頻刪

閉門養拙類雞棲樂事當頭興未低酒熟呼朋傳爵飲
花開分韻擘箋題并無富貴誇春夢差免形神病夏畦
尤喜虛堂談道日酸桃苦李一行齊

鍾鼎山林兩不成閑來對鏡一心驚性牢終古悲曾子
昏嫁行將累向平人到中年增感慨文難異代享聲名

親賓莫漫稱觥祝已恐無聞過此生

補山罷雲南巡撫任充四庫書總纂 特授編

修小詩稱賀二首

早從臺閣耀朝簪歟歷封疆望更深解組職猶兼史局

換銜 恩許入詞林預基作相旁求地國朝拜大學士者率由翰林

起恰稱登科未遂心從此日華開五色花甄添箇李程

吟

一周花甲再逢庚君生於庚子時年六十二重到儒冠隊裏行文簡

詩才應辟易王新城亦由他官改翰林元成經學共修明時韋約軒亦罷貴州

巡撫重授編修 未酬四海黔黎望先占千秋著述名通

謁莫援前輩例後生誰不畏先生君為辛巳進士辛丑始入館輩行轉居後

也

送門人江淑齋琅出守福寧三首

熊軾翩然作吏行，專城依舊一書生。
兒寬治行惟經術，石奮終身在篤誠。
華省玉堂他日夢，山郵水驛去時情。
江郎峯好青於黛，似有前緣傍馬迎。

殿最官場近若何，不言奔走卽催科。
梯田刀火農難足，海窟萑苻盜易多。
牛犢豈宜身佩帶，瘡痍終待手摩挲。
我家浙水鄰閩郡，要聽他年五袴歌。

香奉南豐一瓣齊，敢誇桃李下成蹊。
淑齋鄉試卽出余房師趙甌北先生

之衰遲報國期，公輩薄劣衡文記馬蹄。
故國逢迎脣

共展淑齋家離筵，惆悵手分攜。
此行一路登臨處，好爲

殷勤覓舊題

鎮江唐耀卿屬潘蓮巢爲江臯望遠圖題詩其上并以蓮巢舊臨文端容自寫小像見寄次韻荅之其第二首用夢樓題畫韻

春迴小閣自閑吟遙望江南烟水深一幅丹青七言句
二千里外故人心

班姑蔡女吳中秀自寫紅顏絕代華卻有丹徒雙老宿
又開五色筆頭花

題雷峯望雲圖 并引

德麟少時受知於尊甫快亭先生親炙光儀者最久且與雷峯交契篤至故登堂拜母嘗謁見鮑夫

人焉今泰山其頽墓草已宿雷峯以是圖屬題佳
城相望道貌雙摹式展丹青恍承色笑慨九京之
不作羊曇之淚何窮歛事死之如生王裒之志可
見能無百感聊綴四言意觸乎哀辭惟其質

白雲逢逢東西南北子心悠悠長與無極雲來何從雲
去何所搔首踟躕道修且阻石龍之岡父骨攸藏松楸
森森雲來徜徉南屏之麓母兆斯卜雲去委蛇東吳西
蜀雲去何所雲來何從鬱鬱壘壘南屏石龍兒有兩親
親惟一子西蜀故鄉東吳萬里聞佛家言千億化身亦
百東坡遊戲水濱兒不能化兒但能戲兒身一軀兒心
兩地雷峯之塔其崇嶙峋悲風四集長依母墳時無再

返木不重芳登高臨下泣涕霑裳目渺渺兮心悄悄兮
逝將曷從雲杳杳兮

悅親樓詩集卷十一終

男志箕校字

悅親樓詩集卷十二 壬寅

海寧祝德麟止堂

古今體詩五十六首

書齋卽事

低花樹著小盆栽忍凍經春尙自開便有繁華藏不住
隔牕招得蜜蜂來

愍忠寺咏古三首

萬乘躬親統六軍當年聲討蓋蘇文戰魂不化遼東鶴
歸骨空屯冀北雲八尺崇壇標義冢千秋法雨洗冤氛
不須更說輪臺悔貞觀寧非有道君

賞功宥死禍由張

守

安史連兵起范陽從賊從王何反

覆議郊議藉太息忙豕蛇濟惡金甌裂龍象版誠寶塔

莊至德紀年疑翊戴刻磨字已不成唐

史思明寶塔頌張不矜撰文蘇

靈芝書字碑中唐字刻而復補

拋盡山河竟北遷倉皇休說靖康年黎侯失國悲旄葛

甯武從君納橐餗無復含元朝喚仗好偕老衲夜談禪

幽州且作金墉寄冰雪臨潢倍可憐

金人遷二帝館欽宗於此

上巳日草橋修禊集蘭亭敘字二首

人與春同老相將聽所之此間觴詠地今日禊遊期湍

曲臨流坐林陰取次隨放懷無不可又引後生知

一水初生浪羣山盡抱天慙欣情趣得不管歲時遷娛

樂隨幽事風流仰昔賢寄言作文者終古視斯年

同穀人法源崇效二寺看花六首

招邀鎮日坐花閒
肯放遊驄得暫閑
要識繁華眞面目
春來天也不能慳

好花絢爛趁芳時
那處枝條肯暫遲
不信化工無巧拙
幾行衰柳未成絲

北方丁子香殊絕
擬並龍山雪不差
是雪是花妄分別
范雲何遜總詩家

翠竹叢邊閣度經
出檐西府最娉婷
無端陣陣花飛急
已是風搖殿角鈴

亦知色相定空虛
三月春光尙有餘
甚欲一尊花下別
結根爭奈在僧廬

古人對花暖茗謂之殺風景
寺僧不許遊人攜酒故云

鍾疎磬冷非無謂蝶戲蜂忙亦有因昨歲同遊人不見

謂竹君

底須刻意去傷春

方潭已得大庾令以中風歸里送別二首

跌宕名場氣未頽無端兀者類王駘夢中尙接羅浮蜺

君先爲博羅令

嶺上難攀大庾梅不死會看官入手臨分何必

泪盈腮西湖風月好將息到及紅蕖花正開

接葉亭中共夕晨

君丙戌會試館於我以後調選赴補每來京必連月歡豫也

兩家

儻從亦相親往來日下車三度斟酌花前酒幾巡不病

浮蹤終要別無官生計更添貧卻憐老去知心少文讌

何堪失此人

耦堂席上食西施乳

水族重姬隅邦畿邇滄碣厥浸曰丁沽得魚勝丙穴桃
花暖浪融荻筍新芽茁海燕去鄉遲河豚上市瞥戕生
北客恂輕命南人饕膨脝葦籠攜滑達竹刀切竈觚戒
遠塵井華先漉血搜腴出其白溢腹爛於雪尤物倍足
珍嘉名況堪悅羹材雞洎調饌法蠹房絜侵晨食指動
入座笑言啗紛當拇陣轟陡覺目光刷晶粹影瑩湛象
箸費取掇石蠟髓初迸花豬肪偶截膚理固細膩膏液
亦凝結熨齒奚用噬入喉莫愁噎俊配削柱珎麤晒去
醜齷行將戀溫柔弗忍加捉捏飽餐盡貪恹細思翻杌
隉浣紗邨久荒采香徑復滅彼美越水姝傾國吳宮夔
入市一錢看流芳千古絕酥胸想菽發湏汁注峯凸命

名誠所甘肖形母乃褻諒當春秋前非竟食經缺不知
諡號加卻把誰何揭好色取風騷誨淫惡狎媒倘並珠
蛤陳將子毋齧舌

集郭蔭川檢討時晴齋看藤花用竹垞紫藤花
下醉歌韻

長安三月風霾昏小雨今朝潤羣槁幽居後巷隔前街
勝地名花雜芳草古藤蟠鬱怒舒萼一徑莓苔綠客埽
提壺挈榼共把臂入戶巡檐齊側腦曲渠憑小磴憑低
欲買金須量栲栳東偏未放由背陰西角先開爲迎杲
同根氣候已差池何況女蘿強縈抱千囊倘令一齊發
杲格雖牢愁豎倒徘徊花下傾百觴賞花豈必論遲早

此閒義帖初名齋松泉尙書黃閣老

汪文端公後來光祿申

甫亦能詩裙屐招邀到郊島亭池無恙主易頻如暖則
衫寒則襖三更月出射棚隙麗歎滿庭流荇藻醉歸不
用驕馬馱來日再來花更好

越三日復集紫藤花下飲仍用前韻贈菱川

當春眼福何豪奢得興詩懷未枯槁看花不到十分時
終歎風情尙潦草主人好客客不速忍聽韶光去如埽

此花十丈棚格鋪絕勝蒲萄栽馬腦新條逗翳走去聲髮

髭老榦藏穿擁栲栳紫絲步障欲羈天寶蓋流蘇正當

杲磊磊落落明豔垂深深沈沈暗香抱魚吞鳥啄恣自

適蝶宿蜂餐愁絕倒今朝縱賞亦云酣上番來遊差覺

早回頭忽忽已餞春

上一日立夏

春來春去令人老尊前檢

點盡浙材物外賡酬半瀛島無端聯袂爲花忙惹得紅
塵浣袍襖買醉銷愁費酒錢迎繁送謝空詞藻非花時
節我亦來愛花更愛丈人好

耦堂以己姓施不和西施乳詩韻作絕句嘲之
玉液脂膚少伯妻蟲魚假象偶分題休援孔雀楊梅例
曾有詩人道姓西

憶筍二十四韻

一物奚堪戀鄉心百道緘華門當地隙竹徑有陰多春
透雷驚柱花深雨著衫鞭行藏碑兀脈發破空嵌遲種
蠶苗浴初名燕語誦筍之早者名燕來開園循曲援犯曉荷長

鑱踏處侵鞦礙窺來列槩嚴貓頭鑽菌蠹犢角鬪暫鼎
箇箇穿林選行行帶露剗鮮新論把賣巡警遣僮監久
習貧家慣能諳饌法咸傾筐斑似錦脫殼白於臧腴擘
仙膚潔尖攢女手搯熟憑燒或鬻茗可淡兼鹹玉版參
禪悅冰條配冷銜儉宜畱客雅多竟飫奴凡忘肉逾珍
味爲肪遞遠函飽餐寧屬饜別品恐難攬一畝先人宅
干竿妙果巖做蘆近妙果山產筍最佳過牆應攘攘進土正纖纖誰
仿梅花驛遙將潞水帆厥包需候冷式食解涎饞桃鰾
家何在萼鱸思總嘆未知疎密幹幾處已曾芟養竹之法多則明年竹始茂

題簡田兄所藏李憲喬詩冊

不見李生久杜清才誰與同詩能摹賈島書可亂邢侗
遊子太原雪故人京國鴻零縑裘演得猶有老成風

漳蘭

孤根但自賞不悅俗人目攜來君子堂相期媚幽獨修
修擢素莖一室如深谷坐對默無言微風動簾軸

蟻蟻

嘉禾害螟螣言鳥畏往狸去殘保善類於理蓋亦宜嗟
余實頑鈍戶庭常不窺高齋傲兀坐無計銷炎曦好修
藝幽叢當階列縹緲薰風一披拂花葉何裒裒善氣入
襟袖沐芳而浴菲譬如平生友寢處無時違竭來相殘
賊彼微者蟻蟻一蟻暗相召羣蟻逐隊迫淫淫復奕奕

一縷洋洋馳居然安窟穴茹齧同膏脂此物固么瑣力
能潰河隄今年食花藥明年食根柢食花猶自可食根
萎且腓坐視諒難忍赫然起殺機彼蟻獨負固僕緣相
因依搜捕礙枝葉熏灌安所施人生尙機巧急則智計
隨招以鳧魚骨引以餒餽飴誘餌到蟲豸羞作誠弗辭
俄然出翳薈什伯遽集斯聚殲雖不仁縱則後患滋欲
令投畀遠未足煩提攜一舉快剝爪勢侔長平師其餘
潛匿者隨得隨滅之吾聞渡江人救汝蘆端危後來辱
縲紲穴土出圍扉豈無好生心事理有不齊蘭而當門
生鋤之尙勿疑何況汝麀醜刻剝徒營私於我亦何有
庶以全芳蕤天地無不容赤子皆烝黎苟其作逆亂誅

戮靡子遺此乃王者香詎可相侵欺汝第求口實曾不
計是非投身一失所舉族遭屠夷獨聞蓄蘭法防患貴
先幾架格既高擎承以清水匝俾蟻望洋歎毋由超渺
瀾培護我自疎奚獨咎蟻爲取快在日前寧足爲良規
繞花行百匝慙悔著此詞麒麟慎踐履要遣兒童知

狸鵲篇

并引

屋西北隅有大栲蔭可一畝鵲巢其顛載棲載止
載生載育夏五月四鵲成弱羽羽試飛翩翩弄態其
母方環繞教誘之有狸隱於屋山搜身縮脰伺其
集而攫焉一鵲既喪雄者得食歸相顧悲鳴且與
狸鬪啄毛出血宣其痛憤狸伏而忍若有慚色余

悲夫異類相殘而弱肉強食也且爲不義者必受
其殃爰仿淵明形影贈荅詩作爲三章以告夫飲
盜泉而食跖粟者

狸捕鵲

屋西有高樹人皆謂之樗其大可十圍高可百尺餘乾
鵲能知風來巢窠厥居於焉樂字育孚乳

柔去聲

當乘除

俄然鰕卵出變化成新鷗待食正孜孜哺養口卒瘁未
幾長毛羽不勝風力麤習習學飛舞伶仃尙踟躕父母
喜其成導引高下俱喳喳復啾啾翔集鳴相呼誰知禍
機伏屋脊潛狸奴卑身斂玉距雙睛豎瞿瞿睥睨故不
發蓄巧乘其虛一縱正跳躍搏攫激箭如疾風呖劒首

卷十二
雖智能防諸弱骨不須鬻毛血安足茹嚙罷眠屋檐意
氣仍安舒示未飽所欲行將他鷄狙嗟哉彼黃口生死
眞須臾萬物各有命此獨何罪辜

鷄狙狸

鷄鳴聲悲酸倉卒那及救決起搶樹顛修復屋榮就急
難保餘雛紛迫互先後叫呼不可知聽若類詛祝云爾
狸何忍遽虐我穀穀孳尾應天時三旬費菹伏兩旬方
長成翺飛一旬又不見鷄鳴詩體物恩勤究飛走各異
類託命共宇宙維爾崽子生亦自勞護佑胡爲不相容
公然欺白晝爾職在捕鼠墉穴盡子忍切堪收若輩任跳
梁安眠攫毳繡反食於蜡祭無功享報醕憐我軀無力

未克并命鬪白蛇探鷹卵一擊頓僵仆安得義鵲來報
復目前觀啄啄頭上毛穢血殷頸脰未足洩吾忿祇以
汗吾味宜乎唐詩人斥爾不仁獸

見閭朝隱鸚鵡貓兒詩序

狸解

狸眠得無慙鵲喧正未息聳身忽欠伸亦若對以臆謂
凡爾所訶於理未爲直我狸四其足爾鵲傳以翼天衢
任翱翔惟意所南北不然處山林我豈能爾卽安巢城
市中棲止本質逼不見黃荃圖捕雀亦我職

黃荃畫貓有食魚捕

雀二圖

磨牙而澤吻天賦性驚特鼠輩乃常餐擊鮮此偶

得爾雛況儻來云胡余不食乘雛傷其隻焉得責余墨
吾曹種實繁窺伺善殘賊從此起戒心小懲殆余德得

失有何常強弱視氣力卽以報復論物理互相剋蠹蟻
亦天生於爾何怨慝銜啄哺爾雖不聞有媿色杜公賦
雞蟲此義豈未識爾鵲歸休乎負痛我亦默

喜雨

春風夏雨天下同差忒得非古諺謬

諺云行得春風有夏雨今春風特多

自去年八月不雨至於今年三十候

五日爲一候見魏書厯志中間

霹靂雖頻霑未見泉紳挂檐雷屏翳奉職將欲行飛廉

揚威若相寇吹來塵灰和汗汁如坐塗炭遭熏灸小麥

乾死大麥枯黍稷雖苗亦不秀農夫輟耒仰天歎枉費

三冬三白厚庭前草樹焦萌芽縱有井冽誰能救竹木

器作花爆鳴窗櫺紙爲叟面皺徒然當晝盼油雲空使

中宵占畢宿今朝日午氣蒸鬱迅霆殷殷西山岫黑陰
海立天潑墨白點風驅鬼搦豆打牆掀牖猛孰當瀉峽
奔湲續還復玉竿銀竹紛森森頃刻瓦溝懸直溜蟬枝
葉颭那容棲蠃穴九封不敢首自晡歷眈勢未已濡土
寧止一尺透滿庭天矯驚修蛇急迫趨坑兼走竇燈前
地鏡尙熒熒幾點明星影疎漏除煩蠲暘側身睡筦簟
氣若風露逗遙知四野仰膏人已可扶犁秉鋤耨方今
太平

聖德昌祈暘望雨無不副乾坤惠愛物遂生明日綠章
京兆奏

盆蘭作並蒂一同心二忽一花心歧瓣十而渾

成一朶態極端正殆兼同心並蒂之美者余命之曰合歡作詩二首

蝶戲深叢露宿房閑情宜上合歡堂風光共泛參差影
畫手難分彼此香畢竟是雙還是一底須相對更相當
而今看徧尋常朶纔得徐妃半面妝

重臺連理漫同論遺世由來品獨尊竟體奇芬生有偶
一團和氣了無痕爲纒作帶終難擘倚翠偎紅較欠溫
記得博泥詞絕妙管夫人與趙王孫

立秋後三日雨窗作二首

纔入新秋頓改暄湘簾如水漾波痕昔邪滿瓦苔滋徑
疎雨斜風自閉門

芭蕉葉上聽琤琤急雨無情卻有情絕似秋江蘆荻裏
一燈孤泊打篷聲

古意

名姝貴鮮衣駿馬須良轡言交不在貌貌亦安可寘燔
肉孔非貪醴酒穆非嗜茅蕘微物耳所重美人詒如何
賜人食未飽遽徹器食者縱飫然豈敢忘所賜爲惠不
能終可以觀厥志鼎烹雖云美不如棄諸地劃水水難
斷空言刀劒利覆水水不收焉求涓滴積截藕絲莫牽
失劒舟莫識可憐十度秋漫滅懷中字

說地篇四首

佛說欲界中須彌山爲識環山大部洲疆索副入聲爲四

南爲閭浮提中華所位置天竺洪豁爾又析居其二崑
崙踞中央由此畫四至可憐華夏區滄海一粟寄我

朝聲教廣幅員拓遐裔溯自唐虞來從無此屬隸蔥嶺
蒲類海究亦漢書紀路經章亥步事得湯騫使佛產印
度國乃卽南瞻地須彌東西北何由知訖暨彈指現神
通大千微塵碎彼說崇虛無荒忽近取譬所以六合外
聖人存不議要知儒釋分只在虛實際

天不計輪廓地不計尋丈無從量高低卻可驗消長試
觀長安街列屋何垠爽其或湫隘處檐雷接手掌宮室
類陶穴出戶階而上當其揅度初始基定平敞東南地
勢陷流惡江湖廣掘泉九仞餘往往出礎礫古來陳死

骨化滅隨塵塊西州盤古冢不辨知其迂豈惟故鬼域
新鬼又偃仰田廬所覆壓何處無髀顙堂斧倘盡存塞
破此天壤後無瘞葬地兼恐絕耕養此卽資生德目前
理可想陋彼混沌言元運太倘悅

大禹平水土隨刊奠山川謂可萬世恃今纔四千年江
淮河漢濟一一派別遷黃流九湍悍橫行徐豫閒自從
漢武來芟竹費緼櫓東塞西復決遑惜水衡錢當時疏
排法脈絡禹貢傳大要順水性醜流因滌源豈知懷襄
初九州盡顛連烝民未粒食暨益奏庶鮮上巢下營窟
亦尠尺寸椽四載所到處著手無拘牽祇今河故道田
廬盈萬千其將盡毀棄抑令他徙焉畚鍤未及施先已

肇亂端縱令禹復生亦懼非常原窮則計通變聖人第
補偏官禮倘可行荆莽寧非賢

毒暑金可銷互寒石可泐寒暑相往來繫乎日南北北
行則慘慄南行則炎焱一室且如斯何況九州域北極
有寒門南戒有熱國然而方隅間參錯費推測吳越處
吳方已不勝憚赫粵閩非離位何以熱尤劇十日並出
時后羿尙未射彼州老幼民豈盡作人腊六詔最近南
節氣卻調適四時花芬芳不裘亦不綌同居燕京盛
夏旣且憤冰蠶與火鼠遷地性難革天地氣運周未可
物物格所以二童爭孔子莫能直

九月十二日展重陽偕魚門南雷穀人王葑町

至法源寺訪菊

早識梅林秀可餐，重陽雖過興寧闌。
菊場藥臘晨星耀，松徑陰欹夕照寒。
隱逸花宜禪寺訪，推敲味在冷交安。
道人終歲勤澆灌，未得籬根一朶看。

寺僧養菊，千盆開未三分，而送客垂

盡歲例如此

二十日修西郊選菊之會，分得七言三十韻

飄蕭墜葉穿塵樹，嘹唳哀鴻叫清夜。
爲尋菊事出城闔，瞥見蘆花繞邨舍。
興熟不須騎導迎，官閒豈待旬休假。
重陽已去難放杯，舊雨無多頻促駕。
人如秋雁必來賓，花似閨姝正待嫁。
千枝萬枝植援齊，深色淺色攢頭亞。
逸韻終看道氣充，幽馨自覺濃芬謝。
伶俜病蝶抱不勝。

孟浪寒蜂呬還乍釋縛爲愛態扶疎薦泉倏疑光映射
霜葩端合冷宦評風漢夙爲野老訝草橋有草更有木
花匠藝花如藝稼梅桃排盞逗好春芍藥連畦絢初夏
賣向侯門重壓擔養成國色高論價此曹戶戶心計賒
我輩年年眼福借茲因令節展有緣未覺商飈來可怕
白鷺雙行慣不驚翠微一抹遙相迓黃絕絲絲疎柳纖
碧羅箋紙寒潭砌沿溪步屨恣遠探隔樹吟鞍教暫卸
徘徊菜圃豆籬間徙倚園龕方窖下樹矮條宜落帽支
草枯地且重茵藉殺稀市味野蔌挑酒盡家醕卽釀貰
爛醉何辭插滿顛品題從喜排盈架遊蹤肇自往歲秋
畫筆剛逢雨峯

羅聘作圖

暇周郎

載

首倡詠雲烟蔣侯

餘繼

誓賦桑柘圖中人幸無恙在世上官難自劾罷但如公
等道俱尊若論余生天所赦陳琳王粲盡跌宕杜牧陶
潛任變化庚子會者七人以人世難逢開口笑菊花須
插滿頭歸平字分韻辛丑會者六人以采菊
東籬下悠然見南山平字分韻今亦如辛丑之數舊遊
者則分體不拘韻寶所給諫藹町比部乃新與補去年
分悠然字今年仍是去年遊此日聊爲百日蜡未得纏
之未到者

錢鶴背騎姑從攜酒驢腰跨共開笑口莫悲來試角詩

賜孰戰霸

法源寺齋罷贈同年陳岸亭明府

聖修

法源遊騎紛紛逐春爲海棠秋爲菊不是花時有暫來
蘇夫子後我其獨祇園靜境意所便況有幽人寄僧屋
趁齋已及午鐘餘老衲迎賓如槁木開堂鋪席爲設饌

禪味樽腸更挂腹銅瓶沸眼響颼颼點出輕芽一甌足
便同前殿數古檜復向閒房看修竹不知擾擾塵土中
幾人享此清寒福陳侯老友交比石夙昔論文利攻玉
問禪聽瑩子大笑說法圓通余敬伏縱橫百家雜方技
貫穿千藏兼道錄雖然重現宰官身未肯相忘鏡湖曲
生天成佛兩何事水月空明要自燭多年盜倉隨雀鼠
何日依檐謝燕蝠子今小住亦自佳桑下幾曾戀三宿
時岸亭將移寓他所 暝鍾欲罷佛火然一笑出門星煜煜

食菊花餅

異製何從得餐英自楚騷方曾求釀酒節本號題饒秀
擷籬根瘁薪炊釜底勞飴鹽隨意和糗粉雜花撓膾有

黃金色加之白玉膏出油香撲鼻懷縷瘦於毛形任珪

兼璧名參薄與牢

薄持牢九皆餅名也

芳鮮悟通理風味憶登高

未遣吳均試應煩束皙褒招魂尊粬妝差臭陋蓬蒿老

圃驚無色寒廚駭有遭點心梅共嚼浣指畫休操榆苗

誇蒸裹槐榮鬪冷淘如何標隱逸亦未免煎熬縱益年

齡壽寧辭口腹饕玲瓏堪並郭

郭進家能作蓮花餅餚見清異錄 鹵莽

轉愁陶華髮今羞插紅綾昔媿叨拒霜心自壯截餅齒

猶豪擬問長生訣難酬眾口磬幾時荒徑下采采醉松

醪

雪霽漫興四首

繭紙書窗一倍明玲瓏玉樹半空橫雪晴仍訝天花舞

知有驚禽蹴碎瓊

呼僮埽徑積階墀閑看兒郎塑象獅亦有光明能耀目
只憐消釋不多時

梅花笑我我思梅笑我身沈十丈埃今日思君殘雪裏
傍溪隔竹幾枝開

未嫌積素十分寒瓦壘鱗鱗亦耐看一夜狂風忽吹盡
冑畱冰柱挂檐端

飲酒後自述

呼僮收杯杓命婢展衾裯欲睡賸佳興欲談少熟賓四
支漸酥美五內都氛氲君欲識其趣請爲一一陳大都
飲酒樂不宜醉宜醺此中有深淺境地難等倫醉則眩

頭目醺則夷心神醉則攻腸胃醺則恬夢魂耳聞目亦
見所得皆熙春逢人固益益遇物總欣欣問我何能爾
我亦無可言但知靖客氣一返羲皇淳從此就幬枕華
胥熟路循雞鳴正夢覺齒舌餘甘溫人生火消膏世事
況紛紜日夕但如此無爲逐聚蠹

笑硯

硯石質本冷孟水性復寒窮冬凜烈節伴此陋儒酸著
墨不受命斂指徒興歎撥鑪熨微火泣然清露溥蓬蓬
漸吐氣舐筆翻愁乾嗟爾不附熱變化難獨完書成亦
草草棄置誰爲看

擬古三首

少集卷十二
牽綿作兩股絲縷故縈結不如金剪刀一翦兩決絕
蒼龍蛻涎腦博山鑪中燒已成灰燼暗認是故香飄
寒月照白草渾疑初著霜霜濃轉侵月月照不成光

感冬

冬行雖凜烈於我無可悲陰陽短景自催促雪霜嚴氣
應遷推只緣青陽暖日麗韶光駘蕩春如絲花容柳色
更嫵媚天心悅豫人心熙以此氣象試持較盛衰哀樂
真差池將冬比春君勿躁閉門自有春還期勾芒指顧
固返轡吾生少壯何由追

奉 敕編譯遼金元三史人地官名告成紀事

尚書刪述稽唐虞漢唐而降史筆疎遼金偏安尙鄰宋

元大一統開規模當時國俗盡淳樸生民姓氏從其初

地理部族及官職命名一一非模糊至正三年修二史

托克托

即脫脫

實領石渠問君何處得橐本耶律儼陳氏

任大劉

祁元好問

俱元史肇修洪武代金華學士稱瑰儒三

書藏事皆一載鉛槧考覈宜其麤鯁生中原守咫尺牛

馬眼眶窺方隅方言奇字涉耳目箝口畫肚形睢盱豬

都得登乳曰穀此疆不知彼界殊何況翻譯音義與浪

傳亥豕譌焉為一名增損字歧出

如遼史人名迭刺又作迭刺哥又作迭烈

哥今并改特爾格金史地名曷蘇館又作合速館又作

合厮罕今并改哈斯罕元史皇后表載光獻后名曰孛

兒台旭真后妃傳但書旭真特薛禪傳又但書字兒台

今并改曰布爾特格勒津此類不可枚舉皆由作史者

不諳音譯以意為之一人先後傳疊書如元史速不台

遂致割裂踏駁如此

有詳略而事實則一忽刺出已附直脫兒傳復爲立專
傳皆由作史者莫辨誰何考訂疎繆之故此類今悉存
前刪 豈獨秦人視肥瘠直依樣本描葫蘆斛律仰屋昧
後

金字籍談數典忘前謨更兼私智逞詆謾黑驢赤狗干
家奴島夷索虜相侮薄結習自古難湔除蒼頡作字鬼
夜哭正爲此輩矜操觚傳之奕禩讀難曉夫己氏究誰
何與杞宋不足徵文獻兒童僅可通之無我 朝同文
莫限隔衛四衛藏烏斯唐唐古特兀兀魯洋回于和闐
拉特藏藏即西番特

于闐也

聰明天亶靡弗貫如網挈網絲穿珠魑權顧目便殿對
土音歷歷邀 都俞 國書字頭一十二囊括今古窮
茫銖諧聲生字悉昭合自有書契疇能逾以此配隸諸

國語似斗四嚮旋神樞昔年韻統稟 睿授義由晉繹
音由呼陰陽子母華梵協神珙俯伏龍龕逋索倫蒙古
況宿衛 疇咨親切根源符

聖心正大學精博官聽信史遭擲掄 敕命館臣亟釐
正自我作古要非誣尋聲比類各有得本來名義原爬

梳一從陋儒妄假設行墨處處形齟齬滿經蒙緯索倫

緝番回旁織歸同塗

遼以索倫語為主以索倫乃契丹苗裔金源部落與我朝發祥之地

密邇故以滿洲語為主元即蒙古以蒙古語為主其地近於番回者則仍以番回語譯之折衷求

是勘假借九原可作軒眉鬢分門箋釋綴語解昭示萬

世攻盲愚舊名件繫便尋檢無徵不信羣疑祛河閒好

學善討論

命皇八子儀郡王爲總裁

喉吻商略分珉瑜上塵 乙

覽荷鑒別愜心貴當 丹豪濡六書燦列七音等彼寧

爲毀斯寧譽雕梨鏤棗庶無憾石經刻就闡鴻都非唯

藝林得水鐸殊方異域應鳬趨獨慙小臣昧韻切又無

直筆方董狐早年策名讀中祕烏珠卽十二字頭國語謂首爲烏珠

麤識眞區區編摩濫廁羣彥列點竄塗改同鈔胥竊疑

濂史太冗漫秦延說書堪盧胡世祖一紀十三卷其他

體裁去聲當何如願頒虎觀重去聲校輯遂并宋史刪繁蕪

歐陽五代例具在居正斥棄非無辜臣雖蹇劣類跛鼃

執簡橐筆敢趑趄

送岸亭宰太和三首

陳侯湖海才三尺喙頗硬莫嗤跛足客君一足是乃強

病蹇

項令自言學道餘治理尙清淨以誠對上官以愛謝百姓
昔年官楚澤所至有惠政那能畏羈罟且復應弓乘
負米雖云孝不如祿養勝明當潁州去閭里已相慶使
君乃老吏能活我罷病花開白下驛兒童幾輩迎

外吏撲火蛾京曹泛水鷗鷗閑戲洲渚蛾急投燈篝鷗
蛾偶相值水火難爲謀嗟子異儕輩好與閑冷儔如余
眾所棄鍵戶甘窮愁子來日省我竟夕還淹畱笑談露
肺腑豁達開心眸六年苦癩疾賴子一藥瘳乃知折肱
術卽屬治民猷風邪埽滅盡元氣常充周

憶在歲庚寅送君卽長路怱怱值除夜車膏去聲馬難駐

屠蘇飲旣罷展卷題詩句

謂海月圖

十載一回頭太陽曜朝

露今朝又送君，恰值歲將暮。雪花正飛揚，長河復凝互。
不怨徂歲速，不惜送君屢。但願屢送君，猶得常會晤。終
勝久別離，戚戚向誰訴。大都一面歡，可抵千尺素。

唐花二首

孰支芳信返香魂，春色無端上翠盆。妝點貧家成富貴，
吹噓寒意作溫罍。火攻未藉東風力，驛遞全移南國根。
可惜人心太新巧，先庚後甲總難論。

梅兄礬弟一時俱，併豔催穠到鼠姑。豈料隔年傾國色，
也歸三友歲寒圖。慢開翻較春時久，經凍還憑火候蘇。
試向蓮臺參妙諦，眼前繁麗本虛無。

小除夕

賜果恭紀

石榴永嘉柑二種

黃紙封擎乍坼胎堆盤磊落燦瓊瑰心原匪石恩知

報節先去聲傳柑賜已催溫室樹宜多子祝故鄉味省

厥包開虎絲糖昨方霑賚五日前拜寧止金莖露一

杯

悅親樓詩集卷十二終

男志裘校字